

De Kompf ums Benzin hott oogefonge

Om Mondaach hott mich de Karl oogerufe unn ins Telefon gekrische: Honnes, de Kompf ums Benzin hott oogefonge.

Ich war erschrocke: Josses naa, Karl, hosde was im Radio geheert?

Naa. hott de Karl gesacht, ich habs selwer erlebt, om Somsdaach. Grad wars Benzin vier Cent billicher worrn, doo warn so vill Audos on de Tonkstelle, als gäbs was umsunnst – unn wies immer so iss, ich war debei. Unn zwar driwwen in Raunem. Die Paula unn ich, mir warn e bissi was oikaafe unn ich denk, jetz tonksde grad. Ich also on die nächst Tonkstell unn vor mir warn villeicht siwwen odder acht Audos. Also bin ich gonz longsom noochgerickt, wenn ooner fortgefahrn iss.

Nooch zeh Minutte steh ich vorne unn hinner oom, der getonkt unn bezahlt hatt, awwer der nit warte wollt, bis der vor ihm eweckfährt, also fährt longsom rickwärts. Ich fahr aach rickwärts unn machem e bissi Platz, awwer in dem Aacheblick fährt der, der vor dem Rickwärtsfahrer gestonne hott, in die onner Richtung fort unn von de onnern Seit fährt jetzt ooner vor. Unn was machter? Er hält nit onn de erst Zappsäul, naa, er fährt weider unn stellt sich grad vor mich in dem Aacheblick, wie ich doohie fahrn will. Grad als der aussteiht, ich eraus aus moim Audo, uff den Fahrer zu – dess war son Alte wie ich – unn saach gonz höflich: Sie Fulder, warum hälsde dann nit doohinne on de erst Säul, doo hätt ich jetz schee hierher fahrn kenne.

Doo sächt der genau so höflich: Sie alter Simpel, du hättst mich doch oigeklemmt unn ich hätt rickwärts erausfahrn misse.

Ich war gonz ruhich unn saach: Du Olwel, du Klowe, wahrscheinlich konnsde gar nit rickwärts fahrn – unn was mach ich jetz?

Der sacht: Du Krischer, du bleeder Hund, du konnst warte bis ich ferdisch bin unn donn konnsde hierhie.

Du Gaasehenker, saach ich, du Hornochs, dess glaabsde doch selwer nit. Wenn du hier fortfährst, fährt der hinner dir in die Lick unn ich steh heit owend noch doo.

In dem Aacheblick kimmt hinner merr ooner aus emm Mordsaudo mettem Kuhfänger droo eraus, dess war enn Kerl wie enn Schronk, so ooner mettem Glatzkopp, unn der gieht uff uns zwaa zu, baut sich vor uns uff unn sächt gonz leise: Wenn ihr zwei Alten jetzt nicht aufhört mit der Streiterei, dann schlag ich euch die Köpfe aneinander.

Jetzt sinn Sie awwer bitte mol gonz ruhich, habb ich gesacht, der Monn hier iss enn ahle Schulkamerad von mir, der heeßt Gustav unn den habb ich schunn zeh Jahr nimmi gesehe, doo hawwe merr uns halt e bissi unnerhalle. Sinnse nit so unhöflich.

Unn moin Geecheiwwer hott noch ooner druffgewwe: Wenn Sie mol so alt sinn wie mir wernse sich aach freue, widder mol enn ahle Kumpel ze sehe, gell Oskar?

Doo sacht der Glatzkopp: Oh Entschuldigung. Und ich war sicher, dass Sie sich gestritten haben, und geht on soi Audo zurick

Ich geh aach unn zisch dem Vorfahrer zu: Du scheeler Giwitz! Du Drallaff!

Der onnern Alte druff unn genau so leise: Du Schlappmaul! Du Eierkopp!, unn fängt mett Tonke oo. Ja, so wars. Gell Honnes, du gibt's merr doch Recht: De Kompf ums billiche Benzin hott oogefonge.

Eiern Honnes